

歷代世譜序



史氏之書代有述作顧自三代以下詞誇事侈卷帙日繁士有皓首未能窺其一二者近代君子撮取大要蹄為簡便者幾家則又傷於太畧使讀者茫然不能正其義心竊病之頃延齊魯所至建諸主程

其所業其間有志於博古者亦多  
然或鄉窮地僻不無東坡雜於見  
書之歎問以語諸素余憲大倫曰  
得其所藏歷代世譜一冊不書撰  
人而於前元諸君皆有專稱意出  
元末

國初儒者手筆不可考已其義例先

以世系附以史斷較諸數家撮要  
之作獨為簡明足便初學乃出虞  
粟所餘鳩工鐫素以與學者共焉  
夫學者之於前古必於其朝代之  
次第繼禪之順逆治亂之始終皆  
先知之夫然後因次第以考其時  
即順逆以觀其入循治亂以極其



變而全書巨冊可窺窺矣若此譜  
 所錄不庶幾哉刻成謹書其端用  
 告觀者

弘治癸亥孟冬朔日

賜進士第文林郎巡按山東監察御  
 史太原陳璘撰

歷代帝王

伏羲

神農

黃帝

少昊

顓頊

帝嚳

帝堯

帝舜


夏商周秦

秦漢魏晉宋齊梁陳

隋



傳授總圖



歷代世譜卷之

三皇世譜

太昊伏羲氏又曰庖犧氏風姓。易曰。伏犧氏之至天下也。仰則觀象於天。俯則觀法於地。始畫八卦。以通神明之德。以類萬物之情。造書契以代結繩之政。始制嫁娶。結網罟以教佃漁。建都于陳。今陳州。木德王天下。本紀云。立十一年崩。一云伏羲氏後有女媧氏。相皇氏。中央氏。鯀氏。栗陸氏。驤連氏。赫胥氏。尊盧氏。混沌氏。吳英氏。有巢氏。宋襄氏。葛天氏。陰康氏。無懷氏。凡十五代。合六萬一千六百四

十年。外紀云。伏羲在位一百一十年。

炎帝神農氏。姜姓。易曰。神農氏作。斲木為耜。揉木為耒。以教天下。日中為市。以教天下之民。以聚天下之貨。交易而退。各得其所。嘗百草之酸醜。察水泉之甘苦。令民知所避就。都于曲阜。今兗州府。火德王天下。故稱炎帝。教民耕農。故曰神農。本紀云。神農之後。有帝承。帝臨。帝明。帝宜。帝來。帝襄。帝榆。時神農氏衰。諸侯咸歸軒轅。神農氏凡七代。共五百一十年。

黃帝。索隱曰。有土德之瑞。土色黃。故稱黃帝。姓公孫。

名軒轅。有熊國君之子。生於壽丘。長於姬水。以姬為姓。炎帝衰。諸侯相侵。軒轅修德。習用干戈。以征不享。諸侯來賓。炎帝欲侵凌諸侯。諸侯咸歸軒轅。乃脩德振兵。撫萬民。度四方。與炎帝戰于阪泉之野。三戰然後得志。蚩尤作亂。軒轅徵師。諸侯與蚩尤戰于涿鹿之野。擒殺之。今涿州。諸侯咸尊軒轅為天子。在位一百二十四年。一云一百年。

五帝世譜

少昊。金天氏。名摯。已姓。外紀以為黃帝之子。名玄器。是為青陽。都于曲阜。今兗州府。金德王天下。在位



八十有四年

顓頊高陽氏。姬姓。黃帝之孫。昌意之子。生十年而位。少昊二十年而登帝位。都帝丘。今濮州濮陽縣。水德王天下。在位七十有八年。

帝嚳高辛氏。姬姓。玄囂之孫。顓頊之姪。都于亳。今河南沛縣。水德王天下。在位七十有五年。子摯立。以不善而廢。乃立堯。

堯陶唐氏。帝嚳之子。都冀。今平陽府。火德王。孔子曰。大哉堯之為君。惟天為大。惟堯則之。繫辭曰。黃帝堯舜垂衣裳而天下治。居位七十年。得舜。令攝位。

又二十八年而崩

舜有虞氏。顓頊六世孫。姓姚氏。瞽瞍之子。受堯禪位。都于蒲阪。今河中中濟。又東郡河東縣。以土德王。重華協于帝。濟哲文明。溫恭允塞。孟子曰。舜明於庶物。察於人倫。由仁義行。在位五十年。禪於禹。朱子曰。伏犧。神農。黃帝。堯。舜。繼天立極。按五經。不稱三皇五帝。獨周禮言之。易繫辭言伏犧神農黃帝。禮記有女媧。顓頊。帝嚳。左傳有高陽。高辛。少皞。皆無三五之說。史記亦不載三皇。以黃帝為五帝之首。而缺少昊。本紀始伏犧。女媧。神農。又謂開闢。



後有天皇氏。地皇氏。人皇氏。為三皇。一說伏犧神農燧人為三皇。外紀不見。少昊顓頊帝嚳。此皆不可臆說。蘇子古史。蓋本孔氏書序所言。姑互存之。梁氏歷代序畧總論。

天地既分而後有民物。民物既衆而後有帝王。然書契未興之先。雖有帝王。何從而考。其曰盤古氏。天皇氏。地皇氏。人皇氏。有巢氏。燧人氏。皆傳聞其名而已矣。三皇曰。伏犧。神農。黃帝。五帝曰。少昊。顓頊。高辛。唐堯。虞舜。當是之時。文籍雖興。而雜書所載。亦難盡信。其曰。伏犧畫八卦。造書契。神農制耒

耜。教醫藥。黃帝造舟車。作律曆。以風后為相。力牧為將。堯之在位。土階三尺。茅茨不剪。舜之側微。一年成聚。二年成邑。三年成都。及既為帝。彈五絃之琴。以歌南風之詩。此皆可信者也。若曰。女媧鍊石補天。共工頭觸不周山崩。黃帝騎龍仙去。堯時十日並出。羿射落其九。是皆妄誕之說也。安可信哉。抑又考之。黃帝戰勝炎帝于阪泉。又勝蚩尤于涿鹿。然後為天子。堯以子丹朱不肖。讓天下於舜。舜子商均亦不肖。讓天下於禹。或以征伐。或以揖讓。何也。蓋謂時之不同。而道則一也。

夏世譜

大禹。顓頊孫。姒姓。崇伯鯀之子也。治水有功。受舜禪。都安邑。今頴昌府陽翟縣。又蒲州禹都縣。金德王天下。在二十七年。

帝啓。禹子。有賢德。初禹薦益於天。禹崩。三年喪畢。朝覲。訟獄。謳歌者。不之益而歸啓。既立。能承繼禹道。在位九年。

太康。啓之子。逸豫滅德。佃於有洛之表。有窮后羿距于河。失國而崩。在位二十有九年。仲康。太康之弟。在位十有三年。

帝相。仲康之子。在位十七年。后羿逐之。羿篡位八年。寒浞殺羿。後漢書三十有二年。共六十七年。

少康。帝相遺腹子。相之后有仍國君之女。羿亂。后歸有仍而生少康。既長。乃滅寒浞而復國。在位二十有二年。

帝杼。少康之子。在位十有七年。

帝槐。帝杼之子。在位二十有六年。

帝芒。帝槐之子。在位十有八年。

帝泄。帝芒之子。在位十有七年。

帝不降。帝泄之子。在位五十九年。



帝廆。不降之氣。在位二十有一年。

帝廆。帝廆之子。在位二十有一年。

帝孔甲。不降子。在位三十有一年。

帝皋。孔甲子。在位十有一年。

帝發。帝皋之子。在位十有三年。

桀。帝發之子。滅德作威。天下怨之。在位五十一年。商

湯放于南巢而夏亡。

一右夏十七王。共四百五十二年。

### 商世譜

湯。契十四世孫。姓子氏。名履。伐桀。救民。諸侯尊為天

子。都亳。今河南沛縣。承德王。在位十三年。

外丙。湯次子。在位二年。

仲壬。外丙弟。在位四年。

太甲。湯長子。太丁之子。既立不明。伊尹放之。履仁遷

義。遂成賢君。在位三十有三年。

沃丁。太甲之子。在位二十有九年。

太庚。沃丁之弟。在位二十有五年。

小甲。太庚之子。在位二十有七年。

雍己。小甲之弟。在位十有二年。

太戊。雍己之弟。有賢德。號為中宗。在位七十有五年。



仲丁。太戊之子。遷都于囂。在位十有一年。

外壬。仲丁之弟。在位十有五年。

河亶甲。外壬弟。遷都相。今河北相州。在位九年。

祖乙。河亶甲之子。遷都于耿。今河東。在位十有九年。

祖辛。祖乙之子。在位十有六年。

沃甲。祖辛之弟。在位二十五年。

祖丁。祖辛之子。在位三十二年。

高庚。沃甲之子。在位二十五年。

陽甲。祖丁之子。在位十七年。

盤庚。陽甲之弟。有德。復遷都亳。殷。此後商殷兼稱。

只稱殷。在位二十八年。

小辛。盤庚之弟。在位二十有一年。

小乙。小辛之弟。在位二十八年。

武丁。小乙子。有賢德。號高宗。夢得傳說。命為相。殷道

復興。在位五十有九年。

祖庚。武丁之子。在位七年。

祖甲。祖庚之弟。淫亂國衰。在位三十三年。

康辛。祖甲之子。在位六年。

庚丁。康辛之弟。在位二十一年。

武乙。庚丁子。無道。雷震死。在位五年。

太丁。武乙之子。在位三年。

帝乙。太丁之子。在位三十七年。

紂。帝乙之子。無道。流而冒色。殘害百姓。天下怨之。在

位三十二年。武王伐商。國亡。

右商三十主共六百四十四年。

周世譜

武王。帝嚳子。后稷之後。文王之子。姬姓。名發。伐紂。救

民天下。王之都鎬。今永興鎬京。水德。王。在位七年。

成王。名誦。武王之子。七歲即位。周公相之。遂成賢君。

在位三十七年。

康王。名釗。成王之子。垂拱。仰成。在位二十六年。

昭王。名瑕。康王之子。南遊。漢江。楚人載以膠舟。舟壞。

卒于江。在位五十一年。

穆王。名滿。昭王子。乘八駿。而西巡。諸侯不朝。在位五

十五年。

共王。名翳。扈。穆王子。在位二十一年。

懿王。名躋。共王子。在位二十五年。

孝王。名辟方。共王弟。在位二十五年。

夷王。名燮。孝王之子。周道衰。在位十有六年。

厲王。名胡。夷王子。在位十一年。國人逐之。太子靜。幼。



周召理國。謂之共和。又十四年王崩。

宣王。名靜。厲王之子。中興四室。在位四十六年。

幽王。名宮涅。宣王子。為犬戎所殺。在位十一年。

西周 十二王共三百二十二年。

平王。名宜臼。幽王子。西都逼於犬戎。遷都洛。今西京。

故曰東周。王室微弱。諸侯相併。在位五十一年。

桓王。名林。平王孫。在位二十三年。

莊王。名佗。桓王子。在位十一年。

釐王。名胡齊。莊王子。在位五年。

惠王。名闞。釐王子。在位二十六年。

襄王。名鄭。惠王子。在位三十三年。

頃王。名壬臣。襄王子。在位六年。

匡王。名班。頃王子。在位六年。

定王。名瑜。匡王弟。在位二十一年。

簡王。名夷。定王子。在位十有四年。

靈王。名泄心。簡王子。生時有髭。在位二十七年。二十

一年孔子生。

景王。名貴。靈王子。在位二十五年。

悼王。名猛。景王之子。既立遇弒。在位不滿一年。

敬王。名丐。悼王之弟。在位四十四年。四十一年孔子



卒

元王。名仁。敬王之子。在位六年。

貞定王。名介。元王子。在位二十八年。

哀王。名去疾。貞定王子。立三月。弟叔。弑王自立。

思王。名叔。哀王弟。自立五月。弟寃亦弑之自立。

考王。名寃。思王弟。在位十有六年。

威烈王。名午。考王子。在位二十四年。

安王。名驕。威烈王子。在位二十六年。

烈王。名喜。安王子。在位七年。

顯王。名扁。烈王子。在位四十八年。

慎釁王。名定。顯王子。在位三年。

赧王。名延。慎釁王子。在位五十九年。王謀伐秦。秦昭

襄遂寇周。王入秦請盟。獻其地。國亡。

東周二十五王。共五百二十九年。

右二周三十七王。共八百六十七年。

溫公。歷年圖曰。周自平王東遷。日以衰微。至於戰國

又分而為二。其土地人民。不足以比疆國之大矣。

然天下猶奉而事之。以為共主。守文武之宗祧。綿

綿然久而不絕。其故何哉。植本固而發源深也。昔

周之興也。擇以為天子。以為天下自秦穆以來。至於

文武成康其講禮之備夫其德仁也。禹美民習於  
耳目。決於骨髓。雖後世幾獨其民。將有反覆之心。  
則畏先王之德而不敢為。將有離散之心。則思先  
王之仁而不忍去。此其所以享國長久之道也。不  
然。以區區數邑。置於七暴國之間。一日不可存。况  
於數百年乎。

### 三代總論

史曰。五帝官天下。三王家天下。官以傳賢聖。家以  
傳子孫。夏為天子。四百餘年。商六百餘年。周八百  
餘年。是何其傳世之久也。夏禹治水。姒氏以興。手

足胼胝。過門不入。見罪人而泣。飲酒而嘆。商湯脩  
德。子姓大昌。解網三面。德及禽獸。六事自責。天乃  
大雨。周之文武。實隆姬氏。民倍讓長。虞為息爭。三  
分天下。遂有其二。文之德也。觀兵孟津。諸侯八百。  
大戰牧野。前徒倒戈。武之績也。然原夫三代之興。  
由任賢臣。至於亂亡。禍因婦人。禹拜昌言。一饋十  
起。湯學伊尹。從諫弗弗。文武之世。尚父為師。亂臣  
十人而為之輔。非以賢臣而興乎。桀愛妹喜。糟堤  
酒池。紂愛妲己。炮烙之刑。幽王無道。褒姒惑溺。烽火  
為笑。好聞裂帛。非以婦人而亡乎。夏之中興。少



周宣王。放哀。復盛。賢聖六七。周宣任賢。與秦接亂。  
平王東遷。王靈不赫。為呼。周室之衰。諸侯疆大。齊  
美秦晉。迭為霸主。周之歷數。雖過夏商。而不絕如  
漢。微亦甚矣哉。

歷代世譜卷之一

歷代世譜卷之二

戰國諸侯王譜

楚先世。見春秋譜。聲王六年。即周威烈王之二十四  
年。盜殺聲王。子悼王立。歷肅王。宣王。威王。至懷王。  
與齊從親。秦惠王患之。使張儀詐許楚地以間之。  
懷王信之。與齊絕。後為秦所誘。往。死于秦。子頃襄  
王立。卒。子考烈王立。用春申君。歷幽王。至哀王。王  
庶兄負芻弑之。而自立。五年。秦王政之二十四年。  
秦遣王翦滅楚。執負芻。自熊繹至負芻。凡四十一  
世。八百九十九年。



燕先世。見春秋譜。閔公三十一年。即周威烈王之二十三年。又歷三世。至文公當周顯王三十六年。以蘇秦之策。與趙魏韓齊楚合從。擯秦。至易王嘗於周慎觀王時。以國讓其相子之。國大亂。齊宣王伐燕。取之。醢子之。殺脅。既而燕人畔齊。共立太子平。是為昭王。昭王招賢。雪耻。用樂毅為將。以伐齊。破之。昭王卒。歷惠王。武成王。孝王。至王喜。二十八年。即秦王政之二十年。燕太子丹遣荊軻刺秦王不克。秦舉兵代燕。斬太子丹。王喜走遼東。又四年。秦王遣王賁滅燕。虜王喜。自召公至于王喜。凡四十

三世共九百年

趙先世與秦同姓。至蜚廉。有少子季勝。其後有造父。善御。幸於周穆王。封於造城。因為趙氏。晉獻公時。有大夫趙夙。生衰。事晉文公。是為成子。生盾。盾生朔。盾卒。有屠岸賈者。欲滅趙氏。殺朔。併其族。朔妻有遺腹男。曰武。公孫杵臼。及程嬰匿之。後嬰及武滅賈。武即文子也。子景叔。生簡子。鞅。傳衰子毋恤。獻侯。洸。至烈侯。籍周威烈王二十二年。命為諸侯。與韓魏分晉地。傳武公。敬侯。成侯。肅侯。武靈王。惠文王。有平原君。至孝成王。思廉。頗為將。既而以趙

括代之為秦所敗。坑卒四十萬。歷悼襄王。至幽繆  
王。遷用李牧。既而誅之。秦王政十九年。秦滅趙。虜  
邊。自烈侯至王遷。凡九世。一百七十年。

魏畢公高。武王之弟。封於畢。其後絕封。晉獻公封畢  
高於魏。數世有魏絳。事晉悼公。獻子享。晉昭公。獻  
子生侈。侈生桓子駒。駒生斯。周威烈王二十三年。  
命為諸侯。是為文侯。與韓趙分晉地。傳武侯。擊至  
惠王。惠王當周顯王時。為秦所敗。徙都大梁。歷襄王。  
哀王。昭王。至安釐王。有信陵君。又景閔王。至王假。  
於秦王政二十二年。秦滅魏。殺假。自文侯至假。九

世。一百七十九年。

韓其先周武王之子。韓侯。後國絕。其裔仕晉。封之韓。

原。曰韓武子。三世曰嚴。嚴。獻子。又五世至康子。又

二世至景侯。慶周威烈王二十三年。命為諸侯。與

趙魏分晉地。傳烈侯。文侯。至哀侯。於周烈王元年。

徙都於鄭。遇弒。子懿侯立。傳昭侯。用申不害。以強

其國。歷宣惠王。襄王。釐王。桓惠王。至王安九年。秦

王遣內史勝滅韓。虜王安。自景侯至王安。十一世。

凡一百七十四年。

齊陳厲公之子完奔齊。為陳氏。改為田氏。事齊桓公。



齊敬仲。五世至釐子事齊景公。行陰德。專齊政。二  
傳至陳恒。弑成子。弑齊簡公。其後至太公和。遂遷  
齊康公于海上。周安王十六年。命為諸侯。傳桓公  
午。至威公。嬰齊國強。傳宣王辟疆。潘王他。用孟嘗  
君。後為燕所敗而死。子襄王法章。因田單以復故  
地。卒。子建立。秦王命王賁。滅齊。自田和至建七  
世。一百六十四年。

秦先世見春秋譜。至簡公。當周威烈王時。歷惠公至  
出子立。族長立獻公。殺出子。顯王五年。獻公敗三  
晉之師。賜黼黻之服。傳孝公用商鞅變法。強秦。歷

惠文王。武王。至昭襄王。於周赧王五十九年。寇周  
盡有周地。傳孝文王。莊襄王不永。初莊襄為質子  
於趙。納呂不韋之姬。姬已娠。既而生子。曰政。莊襄  
死。政立。滅六國而為帝。自秦嬴至王政。凡三十四  
世。五百三十餘年。

春秋二百四十二年之後。又歷元王。貞定王。哀王。思  
王。考王。至威烈王之二十三年。王命晉大夫魏斯  
趙籍。韓虔為諸侯。故司馬文正公通鑑始于此。春  
秋之後。通鑑之前。凡七十七年。至安王時。三家廢  
晉。而齊大夫田和亦篡齊。唯秦楚燕世傳合七十六

國是為七雄。皆僭稱王。再廢烈王。顯王慎觀王。至  
赧王五十九年。秦伐周。赧王頓首。盡獻其邑三十  
六於秦。而周亡。戰國之世。一百八十餘年。

### 總論

七國者舊國三。而新國四。燕姬姓。居幽薊之地。秦  
嬴姓。據關中之勝。楚芈姓。雄於江漢之間。此三國  
者。皆西周之所封也。齊田氏者。地近東海。本齊之  
大夫。趙氏在河北。魏氏韓氏在河南。本晉之大夫。  
此四國者。皆威烈王之所新命也。昔孔子作春秋。  
主於尊王室。孟子遊齊。梁勸其行王道。何也。蓋孔

子之時。天下猶知尊周。孟子之時。天下不復知有  
周矣。王者天下之義主也。時至戰國。有行王道。斯  
可以王矣。秦自孝公之後。多英武之君。論夫王道。  
雖曰未能。然善任人。亦可疆國。故常虎視山東。志  
於吞滅彼六國者。如焚林之羣獸。不思災危。而自  
相攫搏。何其愚哉。六國之君。惟魏文侯禮敬師儒。  
燕昭王招納賢士。可稱明君。齊宣王得孟子而不  
能用。趙武靈王僅能闢地。而因子受禍。韓宣惠王  
以申子為相。國治兵彊。而所尚者。刑名之學。若楚  
之諸君。悼王差勝。而懷王至謬。以貪地之故。為秦



所譎。輕絕齊交。又興怨兵伐秦。取敗。亦可悟秦而  
又信秦之詭言。往會武關。迫以入秦。朝於章臺。要  
以割地。卒至客死。可悲也哉。夫為從以合六國而  
攻秦者。蘇秦也。為衡以連六國而事秦者。張儀也。  
從衡之說。固皆詭術。然為從者。實六國之利也。當  
魏公子無忌之時。六國亦不支於秦矣。然公子一  
為魏將。五國助之。大破秦軍。况於其初而信任賢  
智。同心戮力。何畏於秦哉。故曰滅六國者六國也。  
非秦也。

### 秦世譜

始皇名政。莊襄王之子。實呂不韋遺腹之子也。滅六  
國而有天下。二十六年更號皇帝。以水德。王變三  
代之制。分天下為三十六郡。在位三十七年。居王  
位二十六年。居帝位十一年。都咸陽。今長安東。巡  
崩于沙丘。

二世名胡亥。始皇之少子。始皇之崩。李斯趙高矯始  
皇詔。殺太子扶蘇而立胡亥。在位僅三年。陳勝吳  
廣之屬四方並起。趙高弒二世。以黔首葬之。  
子嬰二世兄之子。趙高立為秦王。高自往請。子嬰因  
刺殺趙高。而三族其家。子嬰立僅四十六日。沛公





秦之權。八州而朝同列。百有餘年。秦後以六  
合為家。秦為宮。一大作難。而七廟墮。身死。人子  
為天下笑者。何也。仁義不施。而攻守之勢異也。

總論

秦據西周之舊都。得用武之地。自穆公為霸。世世  
疆大。至始皇而滅六國。帝四海。何其盛也。然始皇  
實呂氏。非嬴氏也。始皇父曰莊襄王。名楚。初為質  
子在趙。困不得志。大賈呂不韋見之。曰。此奇貨可  
居。因以財結之。又為之營求。為秦太子。因取邯鄲  
姬為妾。有娠而納之。于楚。實生始皇。始皇既立。姬

為太后。而不韋為丞相。其奸謀如是。我始皇為人  
雖剛戾自用。然亦好謀。有尉繚子者。嘗獻計策。始  
皇親與之對食。尉繚子曰。秦王如豺虎。今雖能下  
人。然得志亦能食人。遂去而隱。始皇併六國。李斯  
之謀。居多。而王翦父子之功。為大觀。其罷諸侯。置  
郡縣。築萬里長城。謂天下無虞矣。焚滅經籍。坑戮  
儒生。偶語詩書。罪至於死。謂先王不足法矣。窮奢  
極欲。離宮三百。封禪名山。入海求仙。謂富貴可以  
長保矣。然以若所為。雖志大宇宙。勇邁終古。固難  
久也。况身死之後。扶蘇不立。二世竊位。莫荒淫暴

屋固遠亡之道也。始皇之言曰：朕為始皇帝，後世以計數。二世三世，至于萬世，傳之無窮。然止於父子二世，稱帝總十五年而已矣。嗟夫！治天下而法先聖，猶飢之必食，不可一日廢也。絕先聖之道而欲以長世，是猶卻食而求生也，其亦難矣哉。

歷代世譜卷之二

歷代世譜卷之二

前漢世譜

高祖姓劉名邦，字季，沛豐人。秦亂起兵，稱沛公。入關受秦降，為漢王。既定天下，即帝位，都長安，火德王。懿達大度，雖不喜文學，而好謀能聽，規摹宏遠。在位十二年。

惠帝名盈，高祖太子。即位之後，以呂太后殘虐，帝常不樂，遂飲淫樂，不聽政。在位七年。

呂后高祖后，惠帝母。惠帝無子，初太后命張皇后取他人子為太子。至是立為少帝，太后臨朝。其後殺



之。立恒山王義為文帝。太后危劉氏。阻於大臣。稱制凡八年。

文帝名恒。高祖第三子。初封代王。周勃等迎立之。誅文帝。帝為人謙讓儉朴。以德化民。海內又安。家給人足。在位二十三年。

景帝名啓。文帝太子。遵守孝文承平之業。移風易俗。文景並稱賢君。在位一十六年。

自歷代改元。從漢武帝始。

武帝

建元 太始 征和 後元 元鼎 元封 太初

名徹。景帝太子。外窮武功。內極土木。尤好神仙。而

能崇重儒術。表章六經。始建年號。在位五十四年。

昭帝 大號 王 元鳳 元平

弗陵。武帝子。七歲即位。任霍光。天下無事。崩。無子。

立昌邑王賀。無德。光廢之。立宣帝。在位十三年。

宣帝 本始 地節 元康 神爵 鳳 甘露 黃龍

病已。更名詢。武帝及太子之孫。皇曾孫也。興於民間。知民疾苦。勵精為治。中興漢室。在位二十五年。

元帝 永光 建昭 竟寧

名奭。宣帝太子。雖好儒術。而優游不斷。漢業由是衰焉。在位十六年。

成帝 嘉 河平 陽朔 鴻嘉 永始 元延 綏和

名鸞。元帝太子。荒于酒色。政在外家。王氏遂執國命矣。在位二十六年。

哀帝 建平 元壽

名欣。定陶恭王之子。元帝之孫。成帝無子。立為嗣。帝寵信詭譎。憎嫉忠直。漢室愈衰。在位六年。

平帝 元始

名箕子。更名衍。中山箕王子。元帝孫。九歲即位。太皇太后王氏臨朝。王莽秉政。置毒酒中。弒帝。在位五年。

孺子 居攝

名嬰。宣帝玄孫。王莽弒逆。居攝。立為皇太子。時二歲。號曰孺子。莽即直廢為定安公。

右西漢十二主共二百一十四年

新莽初始建國天鳳 地皇

王莽王太后之姪。偽為恭儉。封新都侯。遂秉漢政。稱安漢公。加號宰衡。弒平帝。立孺子。自稱攝皇帝。次稱假皇帝。篡位。國號新。更為疎闊。罷置變易。天下多事。百姓失業。遠近兵起。漢宗室劉縯及弟秀起兵興復。眾立劉玄為帝。漢兵斬莽。廢之。



淮陽王劉玄。漢春陵戴侯之曾孫。王莽末。新市王匡等起兵綠林山中。分為下江新市兵。王莽地皇三年。平林陳牧廖湛起兵。以應新市。而漢宗室劉縯及弟劉秀起兵春陵新市平林皆附之。時玄在平林兵中。號更始將軍。漢兵欲立劉氏以從人望。乃立玄。都長安。光武元年。赤眉兵入長安。玄單騎走。光武封玄為淮陽王。在位二年。

右王莽篡位一十八年。淮陽王二年。共二十年。歷年圖曰。高祖奮布衣。提三尺劍。五年而成帝業。其收功之速。如是何哉。惟知人善任使而已。故高

祖曰。填國家。撫百姓。不如蕭何運籌策。決成敗。不如子房。戰必勝。攻必取。不如韓信。三者皆人傑。吾能用之。所以取天下。韓信亦曰。陛下不善將兵。而善將將。斯言盡之矣。呂氏之亂。漢氏不絕。如綫。然而卒不能為患者。外有宗藩之強。內有絳灌之忠也。文景之時。天下家給人足。幾致刑措。後世皆知其稱慕莫能及之。夫民之情。何嘗不欲安樂而富壽哉。文景能勿擾之而已矣。孝武喜淫侈。慕神仙。宮室無度。巡遊不息。窮兵於四夷。嚴刑而重賦。逆其行事。視始皇何遠哉。止以崇儒重道。求賢納諫。

故其成敗若此之殊也。孝昭以童稚之年，辨霍光之忠，確然不可動，何天資之明也。然光猶專政而不歸，此則光之罪矣。孝宣綜核名實，信賞必罰，吏稱其職，民安其業。方之孝武功烈優焉。孝元優游不斷，漢業始衰。孝成荒於酒色，委政外家。孝哀狼復不明，廢律盈朝。陵夷至于孝平，以幼沖嗣位。王莽因之，遂移漢祚。莽恃其詐厲，煩民玩兵，罪盈怨積，而天下叛之矣。

後漢世譜

光武

建武

中元

名秀，字文叔，長沙定王後景帝七世孫。中興漢室，都洛陽。今河南府。廟謨雄斷，恢廓大度，身致太平。在位三十三年。

明帝

永平

名陽，更名莊，光武之子。遵奉光武制度，吏得其人，民安其業。戶口滋殖，而頗好苛察。在位一十八年。

章帝

建初

元和

章和

名炆，明帝太子。為性寬厚，盡心孝道，平糶簡賦，民頽其慶。忠恕禮樂，號稱為長者焉。在位一十三年。

和帝

永元

元興



名肇。章帝太子。十歲即位。母實太后臨朝。實憲等專權謀逆。宦官鄭眾定議誅憲等。宦官之權。由是盛矣。在位一十七年。

殤帝 延平

名隆。和帝太子。生僅百餘日。即位。鄧太后臨朝。帝立。八月而崩。

安帝 永和 元初 永寧 建光 延光

名祐。清河王子。章帝孫。鄧太后立之。未冠。太后猶臨朝。帝既長不德。太后崩。帝親政。在位一十九年。

順帝 永建 陽嘉 永和 漢安 建康

名保。為太子時。關后廢之。為濟陰王。安帝崩。后欲專政。以北鄉侯懿幼。立之。懿卒。諸宦官立帝。而外戚梁冀操權貪暴。在位一十九年。

冲帝 永嘉

名炳。順帝太子。二歲即位。梁太后臨朝。外戚梁冀秉政。僅三閱月而崩。

質帝 本初

名續。章帝曾孫。為建平侯。八歲。梁太后立之。梁冀惡其聰慧。進毒殺帝。在位一年。

桓帝 建和 和平 永壽 永康 永壽 建武 永壽

名志。章帝孫。封蠡吾侯。梁冀立之。梁太后仍臨朝。冀愈暴。太后崩。帝與宦官單超等五人誅冀。宦官復逞其凶害焉。在位二十一年。

靈帝 建寧 熹平 光和 中平

名宏。章帝玄孫。桓帝無子。實太后立之。臨朝。實武陳蕃為政。宦官殺蕃。武等數百人。四方亂。在位二十二年。

獻帝 初平 興平 建寧

名協。靈帝次子。董卓廢皇子而立之。諸郡討卓。卓起遷長安。卓死。來與操。操迎帝都許。至其子

曾不廢帝而

右東漢十一主共一百九十六年

歷年圖曰。新至之末。民心思漢。如渴之望。飲飢之

待哺也。是以明劉奮臂一呼而遠近響應。曾未春

年。元惡授首。人始入雒之初。天下已服矣。而素無

人君之器。綱紀不脩。諸將暴橫。不旋踵而亡。固其

宜也。先武以仁厚之德。濟英雄之志。昆陽之役。驅

烏合之衆。掃滄天之敵。使海內儆然。變而為漢。宜

陽之師不戰而赤眉束手。百萬之盜一朝而散。皆

希世之奇功也。至於待王。即劉盆子止於不死。昔



取良吏卓茂以爲大傳戒馮異安集關中不務以  
戰功取勝雖當其創之際可謂有帝王之遠畧矣  
及天下已定不生舊物乃偃武脩文崇德報功勤  
政治養黎元興禮樂宣教化表行義厲風俗繼以  
明章守而不失於是東漢之風忠信廉耻幾於三  
代矣及孝和以降政令寢弛外戚專權近習放恣  
然猶有骨鯁忠烈之臣忘身而殉國故雖衰而不  
亡豈非建武永平之遺烈歟至于桓靈而紀綱大  
壞廢錮英俊賊虐忠正嬖倖之黨中外盤結鬻獄  
賣官濁亂四海何進兄殺袁紹不勝其憤遂燔燒

宮闕肆行讎殺外召董卓以臨朝廷於是虺蜴雖  
除而虎狼入室矣卓貪復以爲愆廢主遷都州郡紛  
然稱兵以討之卓死而天下大亂漢室遂亡哀哉

### 總論東西二漢

漢姓劉氏或者以爲堯之後豈其然耶高祖起豈  
沛以布衣之賤奮田畝之功提三尺劍以取天下  
蓋天實命之也而奚論其匹哉帝之入關也不殺  
子嬰約法三章其伐項羽也編素與師不忘故主  
大義著矣項羽有一范增而不能用人高帝能用三  
傑張良設謀韓信行兵蕭何給餉用人者昌自用

者亡。故楚百戰百勝。一敗則滅。漢屢戰屢敗。一勝則帝所惜者。高帝不崇。而時無真儒。不能因大亂之後。復三代之治。故宣帝言其家法曰。漢雜霸道而已矣。高帝之後。惠帝制於呂后。及后稱制。三呂封王。賴陳平周勃盡誅呂氏。文景二帝。恭儉養民。是則同也。然文帝仁厚。景帝刻薄。固有間矣。七國之反。非周亞夫為將。其亦殆哉。武帝招延群彥。表章六經。有三代之風矣。然外事四夷。屢求神仙。則其失也。若昭帝之與民休息。豈非霍光之功乎。宣帝綜核名實。魏相丙吉相。一為相。致中興之治矣。

然趙蓋韓楊微罪受誅。亦其失也。若元帝之好儒。而不斷漢業。能無象乎。成帝耽於酒色。委政王氏。象平短祚。孺子繼之。而王莽篡漢矣。光武中興。昆陽一戰。大敗莽眾。二十八將。勇除群雄。而又能投戈講藝。息馬論道。尤為難也。明帝之臨雍拜老。章帝之寬大長者。皆為可稱。其後或外戚專政。或宦官濁亂。和帝之後。殤帝八月。安順。鮮德。沖質。幼亡。桓靈無道。而黨錮之禍興。黃中之寇起。至獻帝而亡國。宣武帝通稱為七制之主。大抵兩漢之時。風俗



淳厚。猶近於古。故二十四帝。總四百二十六年。而  
其尤賢者七帝。自桓靈之外。諸帝亦無大惡。其治  
日之多。而亂日之少。三代而下。亦孰有逾之者乎。

歷代世譜卷之三

歷代世譜卷之四

三國世譜

蜀 章武

昭烈帝。姓劉。名備。字玄德。漢景帝子。中山靖王之  
後。有大志。喜怒不形於色。手垂過膝。顧自見其耳。  
討黃巾賊有功。既而為豫州牧。後領益州。用諸葛  
亮為政。曹氏篡位。帝即位。成都。今四川。

帝禪 建興 延熙 景耀 泰

字公嗣。昭烈太子。即位後。丞相諸葛亮為政。勸農  
積穀。講武訓兵。出師伐魏。中原恐懼。建興十二年。

亮薨。國內無人。魏鄧艾等伐蜀。漢亡。西晉末漢主劉淵追謚為孝懷皇帝。

右蜀先主及後主共四十三年。并東西二漢共四百五十一年。

歷年圖曰。昭烈以敗亡之餘。羈旅漢南。而能屈體英雄。要結同志。摧沮勍敵。因敗為功。顛沛之際。不忘德義。美矣。劉璋昧弱。侮而兼之。遂有巴蜀。君臨一隅。安樂公才雖下中。然委任賢相。抗衡中國。及姜黃用事。而面縛為虜。宜矣。

魏 黃初

文帝姓曹名丕。魏主操太子。漢廢表二十五年。廢漢帝而稱帝。都洛陽。今西京。封父操為武皇帝。帝下筆成文。博聞強記。而少公平曠大之度。在位七年。

明帝 太和 音龍 景初

名叡。字元沖。文帝子。沈毅明敏。優禮大臣。聽受極諫。政自已出。在位十三年。

齊王 正始 嘉平

名芳。明帝立為太子。八歲即位。司馬懿專政。懿死。其子師為政。廢為齊王。在位十四年。



高貴鄉公 正元 甘露

名髦。明帝之子。十四歲即位。司馬懿專權。師死。師弟昭自為大將軍相國。封晉公。執魏生。在位七年。

元帝 景元 咸熙

名奐。武帝孫。燕王宇之子。本名璜。封常道鄉公。既即位。司馬昭遣為三。昭死。其子奐遂篡位。在位五年。

右魏五主共四十六年

歷年圖曰。漢室不綱。群雄乘機乘輿播蕩。莫之收省。太祖獨奉迎而相之。披荊棘以立朝廷。則其名

義固足以結民心矣。加之英威明畧。過絕於人。驅策賢豪。冀除奸宄。於是張繡屈膝。呂布投首。公路野死。本初覆亡。劉琮獻地。韓馬遁逃。中原肅清。戎狄靖服。然則魏取天下於羣盜。非取之於漢室也。惜其狹中多詐。猜忌賢能。此海內所以不盡服也。及文帝受禪。明帝繼業。內綏外禦。不廢前功。而明帝於彌留之際。為姦臣牽率。嗣子幼弱。寄託非人。曹爽驕戇。黨友輕挑。禍自內興。遂衰微不振。以至易姓。悲夫。

吳

大帝 蓋 黃龍 嘉禾 赤鳥 太元 神鳳

姓孫名權字仲謀父堅兄策為漢太宰至權封吳王曾丕篡逆蜀主即位權亦稱帝都武昌後建鄴今建康府任用周瑜魯肅張昭等雄據江南國內富庶

會稽王 建興 五鳳 太平

名亮大帝子即位後權臣孫琳廢之為會稽王

景帝 永安

名休大帝子會稽王之弟封琅瑯王孫琳立之

歸命侯 元興 甘露 寶鼎 建衡 鳳皇 天冊 天璽 天紀

名皓大帝孫先封烏程侯即位後不脩德政驕暴酷虐晉武帝令王濬等樓船東下伐吳入建康皓降國

右吳四主共五十九年

歷年圖曰破虜堅以孤遠之兵決忠憤之志首犯賊鋒深滌洛川汎掃陵寢有足多者討逆策以童子提一旅之衆揮馬箠以下江東耆儒宿將狼狽失據開地千里真英才也文帝承父兄之烈師友忠賢以成前志赤壁之役決策定慮以摧大敵非明而有勇能如是乎奄有荆揚薄于南海傳祚累



世宜矣。候官景帝皆明慧敢決。有先世之風。歸命  
驍懷。殘虐深於桀紂。求欲不亡。得手。

總論

魏蜀吳三分九州之地。魏得州六。吳得州二。蜀漢  
止於一州而已。然君子以蜀漢為正統者。昭烈帝劉  
備乃漢景帝之後。而其謀為趨向。又多近正。曹氏  
孫氏則皆漢室之賊也。魏之業由曹操創始。而不  
享其成。吳之業由孫堅。孫策。而權建其號。昭烈以信  
義著。操善用兵。權善守國。故天下三分不能相併。  
以其智均也。然操之勢獨強者。亦由其挾天子以令

諸侯者與。論三國之人才。吳最多。魏次之。蜀又次  
之。然諸葛亮之在蜀。乃王佐之才。非他人可及也。  
故其弟瑾事吳。誕事魏。人以為蜀得其龍。吳得其  
虎。魏得其犬。亮之輔昭烈。始由三顧。然後委身。君  
臣相得。譬之魚水。及其輔後主禪。則又竭其忠貞。  
節同古人。雖其連年伐魏。功未克就。是亦天也。吳  
之諸臣如周瑜。呂蒙。魯肅。陸遜。皆稱賢智。孫策初  
起。周瑜輔之。分則君臣。情同兄弟。取江東之地。易  
於破竹。策之才畧固鮮。其德而瑜之。奉養功亦不  
少。其後赤壁之戰。大破曹操。尤可羨也。圖取關羽。

則呂蒙獻其計。陸遜任其事。績亦偉矣。而孫烈之  
伐吳。又為遜所折辱。遜之才固有大過人者哉。魏  
之諸臣。則操用苟或苟攸。匡濟實多。丕廢之世。司  
馬懿總兵。然自敵之卒。而政歸司馬氏矣。稽三國  
之本末。魏五世。四十六年。蜀漢二帝。四十二年。吳  
四世。五十二年。魏曹丕文雅有餘。而兄弟恩薄。曹  
叡頗稱英明。而務於土木。曹芳曹髦曹奐皆以政  
歸他人。亡非其罪也。蜀後主闇愚之甚。諸葛既逝。  
蔣琬費禕董允。僅能保國。及姜維用事。國小民疲。  
與兵不已。何以久存哉。吳孫權之後。孫亮早廢。孫

休僅守。至于孫皓肆其濫虐。晉兵既至。而面縛銜  
璧。不亦宜乎。



歷代世譜卷之五

西晉世譜

武帝 泰始 吳寧 太康

姓司馬名炎字安出魏封為晉王遂稱帝都洛陽  
今西京河南府追尊祖懿為宣帝伯父師為景帝  
父昭為文帝帝字量弘厚明達好謀能納直言在  
位一十一年

惠帝 永熙 元康 永康 永寧 太安 永興 光熙

名衷武帝太子帝性昏愚不辨菽麥賈后亂政諸  
王構難自相攻屠天下大亂僭叛競起帝因中毒

而崩在位十七年

懷帝 永嘉

名熾。惠帝弟。武帝二十五子。兄弟相屠。存者三人。熾其一也。漢王劉聰攻陷洛陽。執帝。弑之。在位六年。

愍帝 建興

名業。吳王寔之子。武帝之孫。封秦王。懷帝遇害。王即位於長安。漢劉曜使陷長安。帝出降。遇害。在位四年。右四主共五十二年。

西晉歷年圖曰。武帝既遷魏祚。席卷全吳。續禹舊

服。恃其治安。荒於酒色。以開基之始。不為遠圖。崇尚浮華。敗棄禮法。惠帝昏愚。不辨菽麥。譬之萬金之寶。委之中衢。無人守之。安得不為他人有乎。禍生於閭閻。成於宗室。骨肉相殘。而謂羯豕。鮮果爭承其弊。剖裂中原。麤醢生民。積骸成丘。流血成淵。幾三百年。豈不哀哉。

西晉間雲擾諸國

漢。劉淵匈奴人。自以先世漢高祖之甥。冒姓劉氏。晉武帝命淵為匈奴五部帥。晉亂。永興元年。淵請歸五部。言起兵助晉。自立為大單于。國號漢。改元元。



熙永嘉二年。攻拔晉平陽。稱帝。改元鳳。六年。攻河瑞。四年卒。弟聰殺其子而自立。改元光。六年。改嘉平。攻晉。執懷帝。麟嘉元年。又執愍帝。卒。子蔡立。改元漢昌。靳準弑而篡之。魏族子曜。改準自立。改國號趙。改元光初。咸和三年。其臣石勒殺曜。凡五主。共二十四年。

成李特巴西人。晉永寧元年。以流民投成都。特為將軍。自稱益州牧。改元建初。刺史羅尚殺之。子雄立。永興元年。稱王。改元建興。光熙元年。稱帝。國號大成。改元晏平。懷帝永嘉五年。改元玉衡。東晉咸和

九年卒。子班立。李期弑之。自立。改元玉恒。李壽廢之。自立。改號漢。改元漢興。建元元年卒。子勢立。改元太和。永和二年。改元嘉寧。三年。晉桓溫伐蜀。勢降。六主。凡四十七年。

後趙石勒。武鄉胡人。初為盜。永嘉元年。劉淵以為將軍。大興元年。劉曜封勒為趙公。二年。稱趙王。與劉曜有隙。曜攻勒。為勒所殺。盡有秦隴之地。咸和五年。稱帝。改元建平。八年卒。子弘立。改元延熙。勒從子虎弑弘自立。改元建武。後改泰寧。卒。子世立。石遵弑之而自立。冉閔弑遵。立石鑒。閔尋弑鑒自立。

改國號魏。改元永興。永和八年。燕王慕容儁弒閔  
滅之。七主三十四年。

前燕慕容皝。鮮卑人。西晉太康十年。赫大單于東晉  
大興四年。命皝為平州牧。遼東公。卒。子皝嗣。咸康  
三年。稱燕王。卒。子儁嗣。永和八年。稱帝。改元元璽。  
遷都鄴。今相州。升平元年。改元光壽。升平四年。卒。  
子暉嗣。改元建熙。太和五年。秦王苻堅遣王猛伐  
燕。取之。三主三十四年。

東晉世譜

元帝

建武

太興

永昌

名睿。宣帝曾孫。愍帝遇害。即位于建康。恭儉有餘。  
明斷不足。大業未復。崩。在位六年。

明帝

大寧

名紹。元帝之子。明敏有斷。故能誅翦逆臣。王敦之  
黨克復。帝業。在位三年。

成帝

咸和

咸康

名衍。明帝之子。五歲即位。庾太后臨朝。既長。恭儉  
有斷。在位十七年。

廢帝

建元

名岳。成帝母弟。以成帝二子幼而立之。在位二年。



穆帝

永和

升平

名聃。康帝之太子。三歲即位。褚太后臨朝。安帝無事。在位十七年。

哀帝

隆和

興寧

名丕。成帝長子。穆帝無嗣。立之。以服藥求長生病。崩。在位四年。

帝奕

太和

哀帝母弟。桓溫有異圖。廢帝為海西公。在位六年。

簡文帝

咸安

名昱。元帝之少子。封會稽王。桓溫立之。在位二年。

孝武帝

寧康

太元

名曜。簡文帝第三子。以謝安為政。敗苻堅兵。國內

安靜。後嗜酒為張貴。八所弒。在位二十四年。

安帝

隆安

元興

義熙

名德宗。武帝子。不能言。不知寒暑飢飽。桓玄篡位。劉裕誅玄。裕復謀篡。弒帝。在位二十二年。

恭帝

元熙

名德文。安帝弟。劉裕篡位。廢為零陵王。在位二年。右東晉十一主共一百零五年。

東晉

歷年圖曰。晉室既衰。中原雲擾。戎狄腥羶之氣。流漫河洛。薰蒸岱華。宮闈蕪沒。陵廟隳焚。元帝以宗室疎屬。遷居江表。天下士民。有思晉者。皆裹糧而歸之。國於荆揚之間。丁孫相承。不絕如綫。獨明帝英武克清。大慙不幸。手國不永。自餘孱弱。孤危外陵。內叛。寄命於虎狼之口。幾遇吞食者。數矣。然卒之能保其位號。宗廟血食。百有餘年。何哉。有王導。下臺溫嶠。陶侃。謝安。幼度為之臣也。羣賢既沒。而道子元顯之徒。輔之。敗亡不亦宜乎。

總論東西二晉

晉有天下。亦正統也。司馬懿篡魏之權。二子曰。曰。曰。曰。昭相承。秉政。武帝繼其父昭。遂篡曹氏。平吳之後。九州混一。亦云盛矣。然都於洛陽。僅三世。武帝及惠懷二帝是也。都於長安。僅一世。愍帝是也。相傳四世。止五十二年而已。元帝中興。都于建業。雖云傳世十一。歷年六百。令五年。然僻處江南。昔之中原。皆五胡所據也。夫晉之混一。而不能久者。其故有五。西晉武帝開基。而樂於滂。初無遠謀一也。平吳之後。不辦華夷。而羗胡居內。二也。嗣子泰。愚而諸王克狠。自相魚肉。三也。惠帝昏闇。而賈后





壽之又二十年而裕遂篡晉矣

東晉間雲擾諸國

春蕭洪畧陽氏人自稱王改姓符洪卒子健嗣永和八年改元皇始稱秦帝十一年卒子生嗣改元壽光無道升平元年符堅弒之自立改元永興三年改甘露興寧三年改建元太元十年姚萇弒之于丕立改元太安慕容永殺之符登立改元太初十九年姚興殺之子崇立改元延初乞伏乾歸殺之七主四十五年

後燕慕容皝燕王皝第五子封吳王有才畧太傅慕容

評忌之出奔將望為秦將太和元年叛秦稱王十一年稱帝改元建興二十一年卒子寶立改元永康蕭汗弒之自稱昌黎王慕容盛殺汗自立改元長樂隆安三年威遇弒立垂子熙改元光始義熙三年高雲弒之自立改元正始馮跋殺雲而有之凡四主二十五年

前凉張軌晉永寧元年為凉州刺史封西平公建興

二年卒子寔嗣大興三年寔死弟茂立太寧元年茂降趙為凉王二年卒子駿嗣永和二年駿卒子重華嗣九年卒子曜靈嗣張祚廢之自立十年祚



稱王。改元和平。衆殺祚。立曜靈弟玄靚。興寧元年。  
叔父天錫弒之自立。太元元年。符堅伐涼。天錫降  
秦。十主八十七年。

後秦姚弋仲亦享羗。自稱扶風公。永和七年降晉。卒。  
子襄立。升平元年。符堅殺之。弟萇降秦。太元九年。  
萇叛。稱秦王。改元白雀。十一年稱帝。改元建初。十  
八年卒。子興立。改元黃初。隆安三年。改元弘始。義  
熙十二年卒。子泓立。改元永和。十三年。晉兵斬泓。  
三主三十四年。

西燕慕容泓。子秦滅燕。泓仕秦。太元九年叛秦。改

元燕興。其下弒之。弟冲立。稱帝。改元更始。過弒。立  
段隨。改元昌平。過弒。立慕容顛。改元建明。過弒。立  
慕容瑤。改元建平。慕容永殺瑤。立泓。子忠。改元建  
武。過弒。永立。稱帝。改元中興。太元十九年。慕容垂  
殺之。七主十年。

西秦乞伏國仁。鮮卑人。為隴西君長。孝武帝太元十  
年。自稱西秦王。改元建義。十三年卒。弟乾歸立。為  
河南王。改元太初。義熙五年。改元更始。八年。過弒。  
子熾。立。改元永康。宋永初元年。改元建弘。元嘉  
五年卒。子慕末立。改元永弘。八年。赫連定攻殺之。

四主四十七年

後涼呂光畧陽氏人。為符堅將。太元十年。光自稱涼州刺史。十一年。改元太安。十四年。改元麟嘉。稱天王。改元龍飛。卒。子紹立。兄纂殺而代之。改元咸寧。五年。遇弒。呂隆立。改元神鼎。降于後秦。越二年。國除。四主十八年。

南涼禿髮烏孤。鮮卑別種。為後涼河西都統。隆安元年。稱西平王。改元太初。二年。稱武威王。三年。卒。弟利麻孤立。四年。改元建和。元興元年。卒。弟傉檀立。稱涼王。改元弘昌。義熙四年。改嘉平。十年。西秦滅。

之三主十八年

北涼段業。京兆人。呂光以為建康太守。安帝隆安元年。阻渠蒙遜推業為涼州牧。建康公。改元神璽。三年。稱涼王。改元天璽。五年。蒙遜弒之。自立。改元永安。義熙八年。改元玄始。宋元嘉八年。改元義和。十年。卒。子牧健立。改元永和。十六年。魏伐之。牧健降。四主四十三年。

南燕慕容德。號。少子。燕亡。歸秦。秦亡。後燕以德為冀州牧。鎮鄴。隆安二年。徙滑臺。稱燕王。三年。定都廣固。四年。稱帝。改元建平。義熙元年。卒。無子。立兄子。



超改元太上。五年晉兵伐燕。六年拔廣固。斬超。凡二主十三年。

西涼李暠隴西人。安帝隆安四年。眾推為燉煌太守。自稱西涼公。子號稱庚子。義熙元年。改元建初。十三年卒。子歆立。改元嘉興。宋永初元年。與北涼戰。敗死。弟恂立。改元永建。二年。眾降北涼。涼殺恂。三主二十二年。

夏赫連勃勃。南匈奴之後。事秦王苻堅為安北將軍。晉義熙三年。自稱大夏天王。改元龍升。九年。改元鳳翔。十四年。稱帝。改元昌武。元熙元年。改元真興。

宋元嘉二十二年卒。子昌立。改元承光。五年。魏太武帝改昌為之。弟定立。改元勝光。八年。魏人殺之。凡三主二十五年。

北燕馮跋長樂人。仕于後燕。弒其主慕容熙。立熙養子高雲。晉安帝義熙二年。復弒雲。跋自立為天王。改元太平。宋元嘉七年。跋死。其弟弘殺其太子翼。而自立。八年。改元太武。二十三年。魏太武帝滅之。二主共三十年。

廣代世譜卷之五終

至身二十平

高祖天皇二十二年六月丙午天皇崩御

天皇二十三年六月丙午天皇崩御

天皇二十四年六月丙午天皇崩御

天皇二十五年六月丙午天皇崩御

天皇二十六年六月丙午天皇崩御

天皇二十七年六月丙午天皇崩御

天皇二十八年六月丙午天皇崩御

天皇二十九年六月丙午天皇崩御

天皇三十年六月丙午天皇崩御

天皇三十一年六月丙午天皇崩御

天皇三十二年六月丙午天皇崩御

天皇三十三年六月丙午天皇崩御

天皇三十四年六月丙午天皇崩御

天皇三十五年六月丙午天皇崩御

天皇三十六年六月丙午天皇崩御

天皇三十七年六月丙午天皇崩御

天皇三十八年六月丙午天皇崩御

天皇三十九年六月丙午天皇崩御

天皇四十年六月丙午天皇崩御



